

MEMORANDUM O SARADNJI



I Potpisnici memoranduma:

JU HISTORIJSKI ARHIV SARAJEVO i IZ U BIH - GAZI HUSREV-BEGOVA BIBLIOTEKA

II Predmet memoranduma:

JU Historijski arhiv Sarajevo i Gazi Husrev-begova biblioteka imaju cilj da uspostave saradnju na promoviranju naučno-istraživačke i stručne saradnje između dvije institucije.

Ovaj memorandum predstavlja opći okvir za institucionalnu saradnju, te omogućava razvoj specifičnih programa saradnje od obostranog interesa.

Saradnja će se odvijati kroz sljedeće aktivnosti koje su od obostranog interesa potpisnica memoranduma:

- Saradnja na realizaciji naučno-istraživačkih projekata kojima je predmet proučavanja historija Bosne i Hercegovine;
- Zajedničko učešće i apliciranje za pristup fondovima namijenjenim naučno-istraživačkom radu;
- Organiziranje naučnih simpozija, kulturnih manifestacija, edukacija, susreta, izložbi, promocija i sličnih događaja;
- Saradnja u arhivskoj, bibliotečkoj i izdavačkoj djelatnosti;
- Saradnja na drugim poljima koja su od obostranog interesa.

III Provođenje memoranduma:

Memorandum će se provoditi na način da realizaciji svake pojedine aktivnosti iz ovog okvirnog sporazuma prethodi pismeno sklopljen ugovor koji će regulisati međusobna prava i obaveze obje strane potpisnice.

IV Trajanje memoranduma:

Ovaj memorandum zaključuje se i važi sve dok jedna od strana potpisnica Memoranduma ne uputi pismeni zahtjev za raskid, a stupa na snagu danom potpisivanja od strane ovlaštenih lica obje institucije.

Izmjene i dopune ovog Memoranduma vršiće se uz pisanu saglasnost obje strane potpisnice sporazuma.

Svaka strana, potpisnica ovog Memoranduma može raskinuti sporazum uz pismeno obavještenje druge strane, najmanje tri mjeseca prije nego što isti namjerava okončati.

Memorandum se ne može prekinuti ukoliko dovodi u pitanje realizaciju neke od dogovorenih aktivnosti, odnosno prije isticanja roka utvrđenog za završetak takve aktivnosti.

V Broj primjeraka memoranduma:

Memorandum je sačinjen u četiri (4) istovjetna primjerka na bosanskom jeziku od kojih svaka strana potpisnica memoranduma zadržava po dva (2).

Gazi Husrev-begova biblioteka
Direktor
Mr.sc. Osman Lavić

JU Historijski arhiv Sarajevo
Direktor
Mr.sc. Fuad Obranović